

EZEQUIEL

Antayiteeri apawopaeni

18 ¹Ipokaki Tajorensi nojeekira naaka, ikantakina: ²“¿Iitaka kaari okoñaatanta inampiki Israel ikenkithawaeteetziri paerani ikanteetziri: ‘Arika ithotero ashitanari kachori chochoki, riiitaki itomipaeni tsiyaekitee raekiki.’? ³Naaka Tajorensi, pikemena nopaeriuro nowaero, eero papiiteero eeroakaete pikenkithawaeteero ikenkithawaetziri paerani Israel-paeni. ⁴Naaka ashitari maawoeni atziri, nashitari ipaapateetari eejatzi itomipaenipaeni. Ikaate kaariperotatsini, otzimatyte ikame.

Kaariperori ñaantsi ikamanteetziriri pinkatharitatsiri nampitsiki Tiro

28 ¹Ipokaki Tajorensi jempe nojeeki naaka, ikantakina: ²“Shirampari, eeroaka noñaanatzi, piyaate pikamanteri iroka ñaantsi pinkatharitatsiri nampitsiki Tiro:

‘Iroka ikantaki Tajorensi:

Owanaana piñaaperowaetaka pishireki,
pipinkathatashitakari tajorensiniro
riitaki jeekaentsiri iwinkatharimentoki tajorensiniro
othonka otapotakimi inkaare.

Tema eeroaka tee pitajorensitzi, atziri pini,
eeroaka kenkithashiretashitacha apaniroeni ijeekitantakimi
riyomento tajorensiniro.

³ ¿Poshiyakaatzi pawijakiri okaatzi riyotanitari Daniel?
¿Tzimatsima nomanimotzimiri kaari piyotzi?

⁴ Tema roori piyotani, okaatzi paawiiri eeroaka
pimatakiro otzimimotzimi osheki koetyiimotzimiri,
piyeekitakiro powantariri ooro eejatzi koriki.

⁵ Osheki pashiminthatawo eeroaka pipimantawaetziri
poshekyaaakiro pashaahawo,
rootaki pashaahawo ñaaperotakayimiri pishireki.

- 6 Rootaki ikantantari Tajorentsi:
Pantzirorika riitaki yonanitakayimiri tajorentsiniro,
- 7 nokantakahaeyaawo ipoke paashinijatzi atziri rowayiritemi,
mataperori iyatsimate atziripaeni,
riitaki ameroni rojataamento rowamayemi,
eeroke rompoje, owanaana pikameethatzi, yotaniri,
aritaki papaawaeteeya pookawenteeyaawo powaneenkawo.
- 8 Rookaetemi inthomoyaaki,
eerowa pikamita niyankyaaki inkaare.
- 9 ¿Eekiroma pikenkithashiretatziri tajorentsiniro,
arika piñaawakiri ikaate maemanetemini?
¡Arika rotaeyemi ompojemini
tekatsira piitya eeroke atzirimacheeni pini!
- 10 Rowamayemi paashinijatzi atziri,
poshiyeeyaari rompojeetziri kaariperoshireri.
Naaka Tajorentsi, kenkithawaetatsiri,
aritaki nokamantakimi.’ ” ¹¹ Ikantakina eejatzi Tajorentsi:
- 12 “Atziri pini eeroke, iroka omampahaantsi pomampaakotyari
pinkatharitatsiri nampitsiki Tiro, pikanteri:
Iroka iñaane Tajorentsi, ikantzi:
Owanaana pikameethawitaka eeroke, yotani pikanta, owaneenkaki
pikanta.
- 13 Pinampiwitakawo pankirentsimashiki Edén-ki, rashitakaawitakimiri
Tajorentsi,
Osheki owaneenkataka okantakaawo kantawaeyitachari mapiki
poreryaari.
Pithatanitari ooro rowetsikaetakimiri owakira pañaanaki.^a
- 14 eenitatsi aayitatsiri, paamaawentyaari, pijeekaki ochempiki
itajorentsitakaakiri Tajorentsi.
Panashiwaetzi jempe ipiyotapaa ompokiro.
- 15 Tekatsi pikinakaashitya, kameethari pikanta owakira rowetsikaetakimi
Roojatzi pikaariperotantanakari.
- 16 Tzimanaki osheki pashaahawo, osheki pikoshekawaetanaka,
owanaana pikaariperotanaki.
Rootaki nookantakimiri, tee nokowe pijeekimotena.
Nomishitowakimi pijeekawitaha ochempiki rashitari Tajorentsi.
Riitaki omishitowakimiri aayitatsiri, pitsipawitari pinampitawo
ompokiromashiki.
- 17 Piñaakiro powaneenkata, owanaana piñaaperotanaka pishireki.

^a 28.13 Ikanteetziri jaka “mapiki poreryaari”, riitaki ikanteetziri eejatzi: rubí, crisólito, jade, topacio, cornalina, jaspe, zafiro, granate eejatzi esmeralda.

Osheki omajontyaanakimi pishipakiryaaanakira.

Nookakimi jaawi, osheki pikaanitaki piñaakirira

raminaminthatakimi pinkatharipaeni nomishitowakimira.

¹⁸ Owanaana pikaariperotaki, maperori okoweenkataakakimi
pashaahawo,

Iwinkani rowaeta pitajorentsipankote.

Rootaki nowantakari paamari jempe pijeeke eeroka, riitaki
thonkaemini itaayimi.

Iñahaemi pisamampotee jaawi.

¹⁹ Maawoeni atziri ikaate ñahaemini, osheki ithaawakaemi.
Koweenkaki pikanteeya. Ashi powaero eero pitzimae.”